

“Ўзтрансгаз”

акциядорлик жамиятининг

30.09.20 йилдаги 225 -сон

буйруғига 1 илова

“ЎЗТРАНСГАЗ” АКЦИЯДОРЛИК ЖАМИЯТИНИНГ
КОРРУПЦИЯГА ҚАРШИ КУРАШИШ
СИЁСАТИ

Тошкент - 2020 йил

1-БОБ. УМУМИЙ ҚОИДАЛАР

1. “Ўзтрансгаз” акциядорлик жамиятининг Коррупцияга қарши курашиш сиёсати (кейинги ўринларда “Сиёсат” деб номланади) коррупция фаолиятига жалб қилишга қарши курашиш ва Ўзбекистон Республикасининг коррупцияга қарши курашиш қонун ҳужжатлари талабларига риоя қилиш соҳасида ўзаро боғлиқ тамойиллар, тартиботлар ва муайян чора-тадбирларнинг мажмуасини белгилаб берувчи маҳаллий меъёрий ҳужжат ҳисобланади.

2. Сиёсат Ўзбекистон Республикасининг коррупцияга қарши курашиш қонун ҳужжатлари, “Ўзтрансгаз” акциядорлик жамиятининг Касб одоби кодекси ва “Ўзтрансгаз” акциядорлик жамиятининг Устави талабларига мувофиқ ишлаб чиқилган.

2-БОБ. СИЁСАТ МАҚСАДИ

3. Сиёсат коррупция фаолиятига жалб қилишга қарши курашиш соҳасида “Ўзтрансгаз” акциядорлик жамиятининг позициясини ифодалайди ҳамда “Ўзтрансгаз” акциядорлик жамияти фаолиятига нисбатан ягона тамойиллар ва ёндашувларни белгилайди.

4. Ушбу Сиёсат қуйидаги мақсадларда ишлаб чиқилган:

“Ўзтрансгаз” акциядорлик жамияти ва унинг таркибига кирувчи ташкилотлар ходимларида ва “Ўзтрансгаз” акциядорлик жамиятининг бошқарув органлари аъзоларида “Ўзтрансгаз” акциядорлик жамияти ва унинг таркибига кирувчи ташкилотларда барча корпоратив бошқариш даражаларида ҳар қайси шакллар ва кўринишларда коррупция хатти-ҳаракатларига асло тоқат қилмаслик тўғрисида бир хил тушунчани яратиш;

“Ўзтрансгаз” акциядорлик жамиятини коррупция фаолиятига жалб қилиш хавфини минималлаштириш мақсадлари, вазифалари ва усулларини мустаҳкамлаш ва таърифлаш.

3-БОБ. СИЁСАТ ВАЗИФАЛАРИ

5. Қуйидагилар Сиёсат вазифалари ҳисобланади:

Ходимлар, раҳбарият ва ўзга шахсларни “Ўзтрансгаз” акциядорлик жамияти ва унинг таркибига кирувчи ташкилотларда қўлланиладиган Ўзбекистон Республикасининг коррупцияга қарши курашиш қонун ҳужжатлари, шунингдек халқаро конвенцияларнинг тамойиллари ва асосий талаблари тўғрисида хабардор қилиш;

“Ўзтрансгаз” акциядорлик жамияти ва унинг таркибига кирувчи ташкилотларда коррупция фаолиятига жалб қилиш хавфини минималлаштириш бўйича қабул қилинган ташкилий чора-тадбирларни умумлаштириш ва тушунтириш;

коррупция ҳоллари тўғрисида маълум қилиш учун ахборот пештахталарини шакллантириш;

“Ўзтрансгаз” акциядорлик жамияти ва унинг таркибига кирувчи ташкилотларда коррупцияга қарши курашиш борасида қўлланиладиган қонун ҳужжатлари тамойиллари ва талабларига риоя қилиш мажбуриятини ўрнатиш.

4-БОБ. ТАЪСИР ҚИЛИШ СОҲАСИ

6. Ушбу Сиёсат:

“Ўзтрансгаз” акциядорлик жамияти бошқарув органларининг аъзолари томонидан бажарилиши мажбурий ҳисобланади;

“Ўзтрансгаз” акциядорлик жамияти ва унинг таркибига кирувчи ташкилотлар ходимлари.

7. Сиёсат талаблари “Ўзтрансгаз” акциядорлик жамиятининг шубба ва тобе жамиятида, шунингдек “Ўзтрансгаз” акциядорлик жамияти бевосита ёки билвосита иштирок этадиган ўзга жамиятда улар амалга киритилганидан сўнг жамият устави ва жамиятда ўрнатилган тартибга мувофиқ ижро этиш учун мажбурий бўлади.

8. “Ўзтрансгаз” акциядорлик жамияти ва унинг таркибига кирувчи ташкилотлар “Ўзтрансгаз” акциядорлик жамияти ва/ёки гуруҳ Жамиятлари учун иш бажарувчи/хизмат кўрсатувчи ёки товарлар етказиб берувчи ташкилотлар билан шартномалар тузишда шартнома шартларига қўлланиладиган коррупцияга қарши курашиш қонун ҳужжатларининг талабларини сўзсиз бажариш ва тамойилларига риоя қилиш тўғрисида бандни киритишлари шарт.

9. “Ўзтрансгаз” акциядорлик жамияти барча ходимлари ва бошқарув органлари аъзолари, эгаллаб турган лавозимларидан қатъий назар, ушбу Сиёсатнинг тамойиллари ва талабларига риоя қилиш учун, шунингдек уларга бўйсунувчи шахсларнинг кўрсатилган тамойилар ва талабларни бузувчи ҳаракатлари (ҳаракатсизликлари) учун жавобгар бўладилар. Кўрсатилган жавобгарлик “Ўзтрансгаз” акциядорлик жамиятининг барча ходимлари ва бошқарув органлари аъзоларининг лавозим мажбуриятларида акс эттирилади.

10. Ушбу Сиёсатнинг талаблари бузилишига айбдор бўлган шахслар “Ўзтрансгаз” акциядорлик жамияти ёки тизимдаги корхоналари, ҳуқуқни муҳофаза қилиш органлари ёки ўзга шахслар ташаббуси билан Ўзбекистон Республикасининг қонун ҳужжатларида, маҳаллий-меъёрий ҳужжатлар ва меҳнат шартномаларида назарда тутилган тартибда интизомий, маъмурий, фуқаровий-ҳуқуқий ёки жиноий жавобгарликка тортилишлари мумкин.

11. Бошқарув, маҳаллий-меъёрий ва ўзга ички ҳужжатлар ушбу Сиёсатга зид бўлмаслиги керак.

“Ўзтрансгаз” акциядорлик жамиятининг олий раҳбарияти (топ-менежмент) - олий даражада раҳбарликни амалга оширувчи шахс ёки ходимлар гуруҳи.

Компания - “Ўзтрансгаз” акциядорлик жамияти асосий ёки устуворлик қилувчи (иштирок этувчи) жамият сифатида бевосита ёки билвосита иштирок этувчи турли ташкилий-ҳуқуқий шакллардаги юридик шахслар гуруҳи, шу жумладан “Ўзтрансгаз” акциядорлик жамияти.

Тизимдаги корхоналар - унинг устав капиталида “Ўзтрансгаз” акциядорлик жамиятининг бевосита ва (ёки) билвосита акциялар ёки улушлар билан эгалик қилиш улуши 20 фоиз ва ундан кўпроғини ташкил қилувчи ҳўжалик жамияти.

“Ўзтрансгаз” акциядорлик жамиятини бошқарув органлари - “Ўзтрансгаз” акциядорлик жамиятининг Акциядорлари умумий йиғилиши, “Ўзтрансгаз” акциядорлик жамиятининг Кузатув кенгаши ва “Ўзтрансгаз” акциядорлик жамиятининг Бошқаруви.

Компания раҳбарияти - Компания фаолиятининг маълум йўналишлари ва Компанияни бошқариш учун масъул бўлган шахс ёки ходимлар гуруҳи.

Таркибий бўлинма (ТБ) - Таркибий тузилма тўғрисида низомда белгиланган ўз ваколатлари доирасида мустақил функциялар, вазифалар ва жавобгарликка эга “Ўзтрансгаз” акциядорлик жамияти ёки тизимдаги корхоналар таркибий бўлинмаси (таркибий бўлинмалар департаментлар, бўлимлар, бошқармаларга бўлинади, гуруҳ ва бўлинмалар “Ўзтрансгаз” акциядорлик жамиятининг таркибий бўлинмаларида бошқариш аппарати ҳисобланади).

7-БОБ. СИЁСАТНИНГ ҲУҚУҚИЙ ВА МЕТОДОЛОГИК АСОСЛАРИ

15. Ҳуқуқий асослар:

“Ўзтрансгаз” акциядорлик жамияти оммавий компания ҳисобланади, шунинг учун Компания фаолияти ва унинг ходимларининг хатти-ҳаракатлари шу жумладан Ўзбекистон Республикасининг коррупцияга қарши курашиш конун ҳужжатларининг талабларига мувофиқ бўлиши, халқаро ҳужжатлар ва ҳудудида Компания ўз фаолиятини олиб бораётган ёки фаолиятни олиб боришни режалаштираётган хорижий давлатларнинг меъёрий ҳужжатлари талабларини ҳисобга олиши керак.

Ушбу Сиёсатда қуйидаги меъёрий-ҳуқуқий ҳужжатлардаги тамойиллар ва меъёрлардан фойдаланилган:

Бирлашган Миллатлар Ташкилотининг Коррупцияга қарши конвенцияси (Бирлашган Миллатлар Ташкилотининг Нью-Йорк шаҳрида бўлиб ўтган 58-чи Бош Ассамблеяси 51-чи пленар мажлисида 31.10.2003 йилдаги 58/4-сон Резолюция билан қабул қилинган);

Иқтисодий ҳамкорлик ва тараққиёт ташкилотининг халқаро тижорат операцияларини амалга оширишда хорижий давлатларнинг мансабдор шахсларига пора эвазига оғдиришга қарши курашиш бўйича конвенцияси (21.11.1997 йилда Истанбулда қабул қилинган);

Коррупция учун жиноий жавобгарлик тўғрисида конвенция (27.01.1999 йилда Страсбургда тузилган, ETS 173-сон);

Ўзбекистон Республикасининг Жиноят кодекси;

Ўзбекистон Республикасининг Маъмурий жавобгарлик тўғрисидаги кодекси;

Ўзбекистон Республикасининг 03.01.2017 йилдаги ЎРҚ-419-сон “Коррупцияга қарши курашиш тўғрисида”ги Қонуни.

16. Қуйдагилар Сиёсатнинг методологик асослари ҳисобланади:

Transparency International халқаро ташкилотининг “Корпоратив коррупцияга қарши дастурларининг етакчи амалиётига мувофиқ Буюк Британиянинг “Порахўрликка қарши курашиш тўғрисида”ги Қонуни талабларига биноан тартиботлар тўплами” (Transparency International the 2010 UK Bribery Act Adequate Procedures Guidance on good practice procedures for corporate anti-bribery programmes) тавсиялари;

Халқаро савдо палатасининг товламачилик ва порахўрлик ҳолларига йўл қўймаслик учун хулқ-атфур қоидалари (ICC Rules on Combating corruption) тўплами;

Transparency International халқаро ташкилотининг “2010 Коррупцияга қарши курашиш соҳасида терминларни аниқ белгилаш” (Transparency International Anti-corruption Plain Language Guide 2010) маълумотномаси.

8-БОБ. КОРРУПЦИЯГА ҚАРШИ КУРАШИШ БЎЙИЧА АСОСИЙ ТАМОЙИЛЛАР

17. Коррупциянинг ҳар қандай шакллари ва кўринишларига асло тоқат қилмаслик:

Компания ҳам операцион, ҳам инвестицион ва ўзга фаолият турларини амалга оширишда коррупциянинг ҳар қандай шакллари ва кўринишларига тоқат қилмаслик тамойилига амал қилади.

Коррупцияга тоқат қилмаслик тамойили “Ўзтрансгаз” акциядорлик жамияти ва тизимдаги корхоналар ходимлари, бошқарув органлари аъзолари ва Компания номидан ёки унинг манфаатларида ҳаракат қилувчи ўзга шахслар учун бизнесни у ёки бу мамлакатда олиб бориш амалиётидан қатъий назар коррупция хатти-ҳаракатларида бевосита ёки билвосита, шахсан ёки ҳар қандай воситачилик орқали иштирок этишга қатъий тақиқни англатади.

Компания ҳам давлат вакиллари, жамоат бирлашмалари, хусусий компаниялар, сиёсий арбобларга нисбатан, ҳам Компания ходимларига

нисбатан ҳар қандай шахсий фойда олиш мақсадида хизмат мавқеини суистеъмол қилиш орқали коррупция хатти-ҳаракатларига, шу жумладан манфаатлар тўқнашуви намоён бўлишига йўл қўйиб бўлмаслигини таъкидлаб ўтади.

Ўз ҳаракатлар қонунийлигига ва улар ушбу Сиёсат талабларига мувофиқ эканлигига гумон пайдо бўлган тақдирда, ходим ушбу масала юзасидан бевосита раҳбари ёки Компанияда ишбилармонлик обрўсига риоя қилиш учун масъул бўлган мансабдор шахс билан маслаҳатлашиши лозим.

Компания қўлланиладиган қонун ҳужжатлари ва ушбу Сиёсатнинг талабларини бузган шахслар тўғрисида ахборотни амалдаги қонун ҳужжатларида белгиланган тартиб ва шартларда ошкор қилиш ҳуқуқини ўзида сақлаб олади.

18. Жазонинг муқаррарлиги

Компания Ўзбекистон Республикаси қонун ҳужжатларига ва Компания ўз фаолиятини олиб бораётган ёки олиб боришни режалаштираётган ўзга мамлакатларнинг қонун ҳужжатларига қатъий амал қилади ҳамда унинг ҳар қандай ҳаракати ёки ҳаракатсизлиги, шу жумладан коррупция фаолиятига жалб қилишга қарши курашиш соҳасидаги ҳаракати қўлланиладиган қонун ҳужжатларининг меъёрларига зид эмас.

19. Қонунийлик

Компания Ўзбекистон Республикаси қонун ҳужжатларига ва Компания ўз фаолиятини олиб бораётган ёки олиб боришни режалаштираётган ўзга мамлакатларнинг қонун ҳужжатларига қатъий амал қилади ҳамда унинг ҳар қандай ҳаракати ёки ҳаракатсизлиги, шу жумладан коррупция фаолиятига жалб қилишга қарши курашиш соҳасидаги ҳаракати қўлланиладиган қонун ҳужжатларининг меъёрларига зид эмас.

20. Коррупция фаолиятига жалб қилиш хавфларни мунтазам баҳолаш

Компания унинг эҳтимолдаги заиф бизнес-жараёнлари учун хос бўлган коррупция хавфларини аниқлайди, баҳолаш ва даврий қайта баҳолашни олиб боради. Хавфларни аниқлашда ва баҳолашда Компания фаолият ва режалар, шу жумладан баҳолаш ва қайта баҳолаш пайтида фойдаланиш мумкин бўлган инвестицион ва стратегик режалар тўғрисида ахборот тўла бўлишини ҳисобга олади.

21. Тегишли тартиботларнинг тизимлилиги ва мутаносиблиги

Компания коррупция фаолиятига жалб қилишга қарши курашиш ва олдини олиш бўйича тегишли тартиботлар тизимини ишлаб чиқади ва жорий этади. Компания тартиботларни максимал равишда шаффоф, аниқ, ижро этиш имконига эга ва аниқланган хавфларга оқилона жавоб берадиган қилишга интилади.

22. Лозим даражада эҳтиёткорлик

26. Ўзаро ҳамкорлик қилиш ва мувофиқлаштириш

Компания уни коррупция фаолиятига жалб қилишга қарши курашиш жараёнида барча манфаатдор таркибий бўлинмалар ўзаро ҳамкорлик қилишларини, шунингдек давлат ҳокимияти органлари ва жойлардаги ўзини-ўзи бошқарув органлари ва ҳуқуқни муҳофаза қилиш органлари билан ўзаро ҳамкорлик қилишларини мувофиқлаштиришни таъминлайди.

9-БОБ. КОРРУПЦИЯГА ҚАРШИ КУРАШИШ БЎЙИЧА АСОСИЙ ҚОИДАЛАР

27. Совғалар ва вакиллик харажатлари

Компания ишбилармонлик совғалари билан алмашиш ва вакиллик харажатларини, шу жумладан ишбилармонлик меҳмондўстлиги учун харажатларни бизнес юритишнинг ва умум қабул қилинган ишбилармонлик амалиётининг зарурий қисми сифатида тан олади. Компания ишбилармонлик совғаларига ва ишбилармонлик меҳмондўстлиги учун харажатларга нисбатан ҳалоллик ва шаффофлик муҳитини ҳар томонлама қўллаб-қувватлайди.

Шу билан бирга, Компания ушбу соҳани коррупция фаолиятига жалб қилиш хавфи нуқтаи назаридан заиф деб ҳисоблайди, шунинг учун “Ўзтрансгаз” акциядорлик жамияти номидан ёки унинг манфаатида амалга ошириладиган шунга ўхшаш барча операциялар қуйидаги тамойилларга:

қўлланиладиган қонун ҳужжатлари, “Ўзтрансгаз” акциядорлик жамиятининг Касб-одоби этикаси ва бошқа маҳаллий меъёрий ҳужжатларнинг меъёрларига тўлиқ жавоб бериши;

равшан бизнес-мақсад мавжудлигини назарда тутиши, давлат вакиллари, жамоат бирлашмалари, хусусий компаниялар, сиёсий арбоблар ёки ўзга шахслар томонидан “Ўзтрансгаз” акциядорлик жамияти ва/ёки гуруҳ Жамиятлари фаолиятини сақлаш ёки кенгайтиришга таъсир қилувчи қарорлар қабул қилинишига бевосита ёки билвосита таъсир қилмасликлари;

совға берувчи ёки ишбилармонлик меҳмондўстлиги бўйича тадбирлар ташкилотчиси олдида ҳар қандай мажбуриятлар пайдо бўлишини назарда тутмаслиги;

совғалар ёки вакиллик харажатлар тўғрисида ахборот ошкор қилинганда Компания, ходимлар ва ўзга шахслар учун нуфузга тегадиган ёки ўзга хавф туғдирмаслиги;

нақд ёки нақдсиз пул воситалари, қийматли қоғозлар, қимматбаҳо металллар бўлмаслиги ва ўзи билан пул маблағлари ва/ёки дабдабалик буюмларининг ўзга кўринишлари ва эквивалентларини касб этмаслиги зарур.

Ишбилармонлик совғалари ва ишбилармонлик меҳмондўстлиги учун барча харажатлар Компания раҳбарияти томонидан маъқулланиши керак.

Ишбилармонлик совғаси ёки ишбилармонлик меҳмондўстлиги бўйича тадбир ушбу Сиёсатнинг талабларига мувофиқ эканлигига гумон пайдо бўлганида, ходим ушбу масала юзасидан ўзининг бевосита раҳбари билан маслаҳатлашиши керак.

28. Хайрия, ҳомийлик ва молиявий ёрдам

Компания давлат вакиллари, жамоат бирлашмалари ёки ўзга шахслар томонидан “Ўзтрансгаз” акциядорлик жамияти ва/ёки тизимдаги корхоналар фаолиятини сақлаш ёки кенгайтиришга таъсир қилувчи қарорлар қабул қилинишига бевосита ёки билвосита таъсир қилиш мақсадида, ёки агар шунга ўхшаш ёрдам бундай таъсир қилишга уриниш деб қабул қилиниши мумкин бўлганида хайрия, ҳомийлик ва молиявий ёрдам кўрсатмайди.

29. Контрагентлар билан ўзаро ҳамкорлик қилиш, воситачилар орқали ва ўзга шахслар фойдасига тўловлар

Компания унинг номидан ёки унинг мақсадларида ҳаракат қилувчи воситачилар, агентлар, шериклар ва ўзга шахсларни жалб қилишдан ҳамда ушбу Сиёсат, “Ўзтрансгаз” акциядорлик жамияти Касб одоби кодексининг тамойиллари ва талабларини бузувчи, шунингдек уларни амалга ошириш тўғрисида ахборот ошкор қилинганда Компания, ходимлар ва ўзга шахслар учун хавф, шу жумладан нуфузга тегадиган хавф туғдурувчи ҳар қандай ҳаракатларни амалга ошириш учун қўшма корхоналарда иштирок этишдан сақланади.

Воситачи, агент, шерик ва ўзга контрагент билан ҳамкорликни бошлаш ёки давом эттириш тўғрисида ёки қўшма корхонада иштирок этиш тўғрисида қарор қабул қилишдан олдин Жамият:

эҳтимолдаги контрагентлар ва қўшма корхоналар бўйича шериклар тўғрисида, уларнинг нуфузи, коррупцияга тоқат қилмаслиги ва манфаатлар тўқнашуви мавжуд эмаслиги тўғрисида ахборотни йиғади, таҳлил қилади ва уларни текширишни амалга оширади;

жинойй фаолиятдан олинган даромадларни легаллаштиришга (қонунийлаштиришга) қарши курашиш мақсадида, эҳтимолдаги контрагентлар (битим бўйича наф олувчилар) билан муносабатларни юридик жиҳатдан расмийлаштиришдан олдинги босқичда уларни пул маблағлари манбаси, шунингдек маблағлар жўнатиладиган банк, юрисдикция борасида дастлабки текширув ўтказилишини амалга оширади;

уларга ушбу Сиёсатнинг тамойиллари ва талаблари тўғрисида хабардор қилади.

Компания қўшма корхоналарда ва контрагентларда ушбу Сиёсатга ўхшаш коррупция фаолиятига жалб қилишга қарши курашиш бўйича ички меъёрий ҳужжатлари қабул қилинишини қўллаб-қувватлайди.

Контрагентлар билан шартномавий муносабатларни ўрнатишда шартномалар шартларига коррупцияга қарши қўлланиладиган қонун

хужжатлари ва ушбу Сиёсатнинг талабларига риоя қилиш тўғрисида ишонтиришлар ва мажбуриятлар, шунингдек кўрсатилган талабларга риоя қилиш мақсадида “Ўзтрансгаз” акциядорлик жамияти ва гуруҳ Жамиятларининг ҳисобга олиш бухгалтерия китоблари аудитини ўтказиш ҳуқуқи киритилади.

Компания контрагентлар ва қўшма корхоналар бўйича шериклар томонидан коррупция хатти-ҳаракатларини содир этиш ҳоллари аниқланган тақдирда, улар билан шартномаларни бекор қилиш ҳуқуқини ўзида сақлаб қолади.

30. Давлат ёки жамоат бирлашмалари вакиллари билан ўзаро ҳамкорлик қилиш

Компания ҳар қандай тижорат ва/ёки рақобат устуворликларини бевосита ёки билвосита олиш мақсадида давлат ёки жамоат бирлашмалари вакилларининг, шунингдек уларнинг яқин шахслари ва/ёки оила аъзоларининг ёки улар манфаатида қилинадиган ҳар қандай харажатларини тўлашдан, шу жумладан улар томонидан Компания ҳисобидан моддий ёки ўзга фойда олишдан сақланади.

31. Назорат ва аудит

Компания ички назорат тизимининг, хусусан бухгалтерия ва бошқарув ҳисоби тизимининг мунтазам ташқи ва ички аудит текширувлари ўтказилишини, шунингдек қўлланиладиган қонун ҳужжатлари ва Компаниянинг маҳаллий меъёрий ҳужжатлар талабларига, шу жумладан ушбу Сиёсатда белгиланган тамойиллар ва талабларга ҳамда жиноий фаолиятдан олинган даромадларни легаллаштиришга (қонунийлаштиришга) қарши курашиш соҳасида қонун талабларига риоя қилиш устидан назорат олиб борилишини таъминлайди.

32. Коррупцияга қарши экспертизани ўтказиш

Компания коррупцияга оид ҳуқуқбузарликлар учун замин яратилиши хавфларини истисно этиш мақсадида ҳужжатлар, маҳаллий меъёрий ва бошқарувчилик ҳужжатлар ва уларнинг лойиҳаларини коррупцияга қарши экспертизадан ўтказилишини таъминлайди.